



Broj: 05-JN1-16-4-TB-27-18/23

Sarajevo, 20.04.2023. godine

Na osnovu člana 64. stav (1) tačka b) i člana 70. st. (1), (3), i (6) Zakona o javnim nabavkama Bosne i Hercegovine („Službeni glasnik BiH“, br. 39/14 i 59/22), te člana II Odluke o internim procedurama stvaranja i evidentiranja obaveza Direkcije za evropske integracije broj: 05/A-02-2-SV-45/14 od dana 14.01.2014. godine, direktor Direkcije za evropske integracije d o n o s i:

## ODLUKU o izboru najpovoljnijeg ponuđača

### Član 1.

- (1) Na osnovu provedenog postupka nabavke putem konkurentskog zahtjeva za nabavku laptopa 2 (dva) komada kao najpovoljniji ponuđač izabran je ponuđač Rebus d.o.o. Sarajevo po ukupnoj cijeni ponude od 3.398,00 KM bez PDV - a, sa kojim će se zaključiti Ugovor za predmetnu nabavku.
- (2) Ponuđač Rebus d.o.o. Sarajevo u svojoj ponudi ponudio je 2 (dva) laptopa modela Lenovo IdeaPad 3 15ALC6 koji svojim tehničkim karakteristikama u potpunosti odgovoraju tehničkoj specifikaciji iz Obrasca za cijenu ponude.

### Član 2.

- (1) Ova Odluka će se objaviti na internet stranici Direkcije za evropske integracije te istovremeno uputiti svim učesnicima koji su učestvovali u postupku javne nabavke, u skladu sa članom 70. stav (6) Zakona.
- (2) Odluka stupa na snagu danom donošenja.

### Obrazloženje

Odlukom broj: 05-JN1-16-4-TB-27/23 od dana 22.03.2023. godine pokrenut je konkurentski zahtjev za nabavku laptopa 2 (dva) komada, za potrebe Direkcije za evropske integracije.

U skladu sa članom 35. stav 1. i 36. stav 1. Zakona o javnim nabavkama („Službeni glasnik BiH“, br. 39/14 i 59/22) (u daljem tekstu: Zakon), Ugovorni organ objavio je obavještenje o pokretanju konkurentskog zahtjeva za nabavku laptopa 2 (dva) komada.

Do krajnjeg roka za dostavu ponuda, na Protokol Direkcije za evropske integracije, Komisija konstatuje je prispjelo ukupno 5 koverti, uredno zapečaćenih i neotvorenih niže navedenih ponuđača:

Broj protokola	Naziv ponuđača	Datum prijema
05-JN1-16-4-TB-27-9/23	BISCOMMERCE d.o.o. Banja Luka	06.04.2023. godine

05-JN1-16-4-TB-27-10/23	Fixit d.o.o. Sarajevo	10.04.2023. godine
05-JN1-16-4-TB-27-11/23	City Group d.o.o. Sarajevo	10.04.2023. godine
05-JN1-16-4-TB-27-12/23	Rebus d.o.o. Sarajevo	10.04.2023. godine
05-JN1-16-4-TB-27-13/23	UNIVERZALNO d.o.o. Sarajevo	10.04.2023. godine

Komisija je 10.04.2023. godine u 14.30 sati u punom sastavu pristupila javnom otvaranju ponuda, na kojem nije prisustvovao nijedan od ovlaštenih predstavnika ponuđača.

Komisija je potom pristupila pregledu opće dokumentacije, odnosno ocjeni kvalifikacije ponuđača, a imajući u vidu zahtijevane uslove za učešće, odnosno dokaze o ispitivanju istih.

Nakon pregleda, Komisija konstatuje da su ponude niže navedenih ponuđača nepravilne:

### 1. Ponuđač Fixit d.o.o. Sarajevo

Ponuđač Fixit d.o.o. Sarajevo u svojoj ponudi dostavio je uz Obrazac za cijenu ponude Aneks 1 originalni predračun na memorandumu svoje firme sa tehničkom specifikacijom modela laptopa koji nudi.

Međutim, Komisija detaljnim uvidom u dostavljeni predračun konstatuje da je ponuđač ponudio Peocesor i7-1165G 4C koji ima 4 jezgra i 8 niti, a tenderskom dokumentacijom traženo je 8 jezgara i 16 niti. Također, ponuđač je ponudio garantni rok 12 mjeseci, a tenderskom dokumentacijom traženo je 24 mjeseca.

### 2. Ponuđač City Group d.o.o. Sarajevo

a) Ponuđač City Group d.o.o. Sarajevo u svojoj ponudi dostavio je Obrazac za ponudu, ali nije dostavio Izjavu ponuđača.

Naime, tenderskom dokumentacijom za predmetnu nabavku traženo je da ponuđači u svojoj ponudi dostave, Obrazac za ponudu, sačinjen i popunjen u skladu sa šemom koja je data u Aneksu 2 tenderske dokumentacije, ovjeren i potpisan od strane ponuđača čiji je sastavni dio Izjava ponuđača.

U skladu sa navedenim ponuđač nije dostavio traženu Izjavu koja je sastavni dio Obrasca za ponudu.

b) Ponuđač City Group d.o.o. Sarajevo u svojoj ponudi nije dostavio Spisak priloženih dokumenata u prijavi, sačinjen po rednim brojevima dokumenata i sa naznakom ukupnog broja priloženih dokumenata, kako je traženo tenderskom dokumentacijom.

c) Komisija konstatuje da uvidom u dostavljeni predračun za ponuđene laptope nisu dostavljene sljedeće tehničke karakteristike koje su tražene tenderskom dokumnetacijom:

- Laptop nema windows operativni sistem
- WLAN
- zahtjevi za sigurnost
- period garancije
- da li ima torba za laptop

### 3. Ponuđač BISCOMMERCE d.o.o. Banja Luka

Komisija konstatuje da uvidom u dostavljeni predračun za ponuđene laptope ponuđač je ponudio Procesor i5-1235U 10C ima 12 niti a traženo je 16, što nije u skladu sa tehničkom specifikacijom.

### 4. Ponuđač UNIVERZALNO d.o.o. Sarajevo

Uvidom u ponudu Komisija konstatuje da ponuđač nije dostavio originalni predračun na memorandumu svoje firme sa tačnim nazivom i modelom, kao i svim karakteristikama opreme koje nudi u skladu sa tehničkom specifikacijom.

Naime, tenderskom dokumentacijom za predmetnu nabavku traženo je sljedeće:

Ponuđač je dužan u ponudi uz Obrazac za cijenu ponude Aneks 1 dostaviti i originalni predračun na memorandumu svoje firme sa tačnim nazivom i svim karakteristikama opreme koje nudi u skladu sa tehničkom specifikacijom.

Dalje, Komisija konstatuje da uvidom u ponudu ponuđač nije dostavio sljedeće tehničke karakterisitke za model laptopa koji nudi:

- tačno naznačeni model ponuđenih laptopa
- verzija Bluetooth-a
- čitač memorijskih kartica
- zvučnici
- rezolucija web kamere
- zahtjevi za sigurnost
- period garancije
- 

Nakon eliminisanja ponuđača čije su ponude nepravilne, Komisija konstatuje je da je ponuda ponuđača Rebus d.o.o. Sarajevo jedina prihvatljiva ponuda koja ispunjava sve kvalifikacione, kao i ostale uslove propisane tenderskom dokumentacijom, te da je ponuđač dostavio ukupnu vrijednost svoje ponude u iznosu od 3.398,00 KM bez PDV -a.

Poštujući tačku A.5. 5.6. i 7.5. zahtjeva za dostavu ponuda i tačku IV 4. Obavještenja o nabavci koje je objavljeno na Portalu javnih nabavki a kojom je predviđeno održavanje E-aukcije, u skladu sa Pravilnikom o uslovima i načinom korištenja E-aukcije ("Službeni glasnik BiH" broj: 66/16), Komisija je konstatovala da je samo ponuda ponuđača Rebus d.o.o. Sarajevo prihvatljiva, te na osnovu člana 3. stav (3) Pravilnika o uslovima i načinom korištenja E-aukcije, E-aukcija se ne može zakazati, nego se postupak javne nabavke okončava dodjelom Ugovora.

Na osnovu kriterija „najniža cijena“, Komisija je dala preporuku direktoru Direkcije za evropske integracije da donese Odluku o izboru najpovoljnijeg ponuđača i dodjeli Ugovor za nabavku laptopa 2 (dva) komada ponuđaču „REBUS“ d.o.o. Sarajevo po ukupnoj cijeni ponude u iznosu od 3.398,00 KM bez PDV - a.

U postupku ocjene provedenog postupka nisu nađene nepravilnosti niti propusti u radu, koji bi eventualno bili osnova za neprihvatanje preporuke Komisije za predmetnu nabavku.

Naime, u postupku je cijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Uzimajući u obzir sve navedeno, Ugovor za nabavku laptopa 2 (dva) komada dodjeljuje se ponuđaču „REBUS“ d.o.o. Sarajevo po ukupnoj cijeni ponude u iznosu od 3.398,00 KM bez PDV - a.

Iz navedenih razloga, donesena je Odluka kao u dispozitivu.

**POUKA O PRAVNOM LIJEKU:**

Protiv ove Odluke se može izjaviti žalba Ugovornom organu, najkasnije u roku od 5 (pet) dana od dana prijema ove odluke.



Dostaviti:

1. Učesnicima u javnoj nabavci
2. a/a